

明

史

八

清華書局
出版

明史

八

〔清〕萬斯同
撰

上海古籍出版社

明

史
八

〔清〕萬斯同撰

據北京圖書館藏清抄
本影印原書字芯高二
一三毫米寬三二〇毫米

目 録

第一冊

明史四百十六卷目錄三卷(卷一至卷四十九)〔清〕萬斯同撰……………一・一

第二冊

明史四百十六卷目錄三卷(卷五十至卷一百四)〔清〕萬斯同撰……………二・一

第三冊

明史四百十六卷目錄三卷(卷一百五至卷一百三十九)〔清〕萬斯同撰……………三・一

第四冊

明史四百十六卷目錄三卷(卷一百四十至卷二百十五)〔清〕萬斯同撰……………四・一

第五册

明史四百十六卷目錄三卷(卷二百十六至卷二百七十六)〔清〕萬斯同撰……………五·一

第四册

第六册

明史四百十六卷目錄三卷(卷二百七十七至卷三百三十)〔清〕萬斯同撰……………六·一

第三册

第七册

明史四百十六卷目錄三卷(卷三百三十一至卷三百七十八)〔清〕萬斯同撰……………七·一

第二册

第八册

明史四百十六卷目錄三卷(卷三百七十九至卷四百十六)〔清〕萬斯同撰……………八·一

第一册

明史卷三百七十九

忠義四

忠義傳

阮之鈿字實甫桐城人為諸生優才行崇禎中有保舉之詔同邑諭德劉若宰以之鈿應投戟城知縣十一年正月之鈿未至張獻忠襲陷其城據之以求撫總理熊文燦許之處其衆數萬於四郊居民洶洶欲寃之鈿至盡心調劑民獲少安乃上疏言微臣辨賊有心受事無地獻忠虎踞邑城其謀叵測所要求之地實兵餉取道之咽喉秦蜀交會之脉絡今皆為所據而奸民甘心效用善良悉為迫脅臣守土牧民之官至無土可守無民可牧庫藏殫虛民產被奪更無賦可徵名雖縣官實贅員爾聞今廟堂之上專主撫議臣愚妄謂撫勒二策可合言未可分言致損國威而挫士氣也時不能用賊衆始稍相安然習於為盜後漸出野外行劫之鈿執之以告其營將始猶少寘之法已而大肆之鈿往告皆不應曰官司不給餉爾得餉自止由是村民徙亡殆盡遠掠及闌閭稍拒輒戮刃相向自有死者一城大驚監軍食事張大經奉文燦令來鎮撫亦不能禁明年獻忠反形漸萌之鈿往說之曰將軍始所為甚悖今幸得為王臣當從軍

立劫書名於帛且不見劉將軍國龍乎天子手詔進官厚資金帛此亦誠之效也將軍若疑中朝有異論者之鈿請以百口保於朝何嫌何疑而復懷他志哉獻忠素銜之鈿至是惡言極罵之之鈿憂憤成疾題數語於壁自誓以死遂不視事至五月獻忠果反劫庫縱囚毀其城之鈿即仰藥未絕獻忠遣使索印堅不予賊遂殺之旋縱火焚公署骸骨為燼而大經為賊劫去不能死追瑪瑙山戰敗偕賊將曹威等出降士論醜之之鈿後贈尚寶少卿

鄒景春字和藩江都人舉於鄉署鹽城教諭縣令貪虐仇戢饑民洶洶逞亂賴景春撫輯獲解散坐事罷歸起陝西苑馬寺萬安監錄事量移黃州府紹磨攝黃安縣事甫三日群賊掩至堅守八日夜始解去崇禎十一年擢房縣知縣十一月賊寇羅汝才率其黨九營之衆請降於熊文燦文燦受之汝才猶豫未決景春匹馬入其營偕汝才及白賁黑雲祥耿血盟汝才乃請軍門降分其諸營於竹谿保康上津而自與賁雲祥居房縣之野當是時鄖陽諸屬邑屢遭大寇賊郭為壘獨房以景春善拊循召民收保山城租完至聖大衆襁褓居民惴惴不自保景春憂甚與主簿

朱邦聞守脩楊道選內修守具外輯睦諸營暫護安堵明年五月張獻忠反穀城使使約汝才同反景春子諸生鳴鸞力敵萬夫謂其父曰吾城當賊衝而竄卒止二百城何以守乃探甲詣汝才曰若不念香火盟乎毋從亂汝才佯諾鳴鸞知其巨測歸與道選授兵登陴而獻忠所遣前鋒已至擊斬其將上天龍遣使馳城乞援於文燦凡十四往不報己而獻忠騎大至守者見獻忠兵白幟汝才兵亦幟俄白與赤雜環城力攻貴雲祥策馬呼曰但以城讓我不保無他也獻忠遂以張大經檄諭降景春怒大罵碎之鳴鸞且守且戰閱五日擊賊多死賊負板穴城城將崩鳴鸞燕油灌之斃又擊傷獻忠左足殺其所愛善馬軍民益奮乃用間入賊壘陰識獻忠所卧帳將設計襲擒之指揮張三錫宿與賊通時守北門汝才之舊屯在其外二十九日汝才遣人揚灰而譟曰南城陷矣守者驚潰三錫遂啓門揖汝才入道選巷戰死大經欲景春分其惡使汝才說降怒不答汝才問庫藏儲蓄安在叱曰死賊庫藏有物城豈為汝陷賊怒殺一典史一守脩恐之猶不屈與鳴鸞俱被殺僕陳宜亦死之邦聞及其家人並不屈死事聞贈尚寶少卿建祠奉

祀道選等亦加贈恤己帝召見輔臣賀連聖脩述其死事狀改贈太僕少卿三錫後為官軍所獲磔死武大烈臨潼人舉天啓七年鄉試崇禎十二年授永寧知縣縣有萬安郡王王府人頗恣橫奸人窟穴其中莫敢何問大烈一繩以法流寇時掠境上城守之計甚設明年十二月二十一日李自成自南陽陷宜陽殺知縣唐啓泰遂移兵攻永寧先是邑人張論為四川巡撫罷歸佐有司捍禦數却賊論浚子吏部郎馬延繼之亦數有功至是獄囚牛可敷等勾賊都司馮有義棄城遁大烈偕昂廷及其從父順天府治中讚用守三日賊環攻以二十七日夜半登城執大烈自成以同鄉故欲活之大烈不屈索印又不予以燭灼以死昂廷匿督井免讚及於國學生祚廷死之主簿魏國輔教諭任維清守脩王正己百戶孫世英並不屈死萬安王采鏗亦被害賊即移攻偃師城中空虛不能守一日而陷知縣徐日泰大罵不屈為賊脅劉廷苑罵不絕聲啓泰掖縣人日泰金賂人並起家鄉舉明年正月賊犯寶豐以十二日陷其城知縣朱由棧死焉未幾陷密縣知縣朱敏汀及在籍太僕卿魏持衡舉人馬體健亦死之由棧益府鎮國將軍常

澈子敏汀亦宗室並由貢生敏汀娶張氏一女一孫及城獲數人俱死與由械並贈按察僉事

朱秉衡洛陽人天啓四年舉於鄉未仕崇禎十四年正月李自成陷洛陽秉衡為賊將劉宗敏所執令其易服欲官之秉衡不可羈之商郊民舍顧見其友謂之曰賊勒我以官我義不受辱但恨老母在堂幼子在祿死不瞑目爾賊聞燒鐵索加其脛終不從遂被殺并殺其母劉氏妻吳氏及其幼兒與秉衡同時殉難者有劉芳奕常克念郭顯星韓金聲王明楊萃荀良翰諸人芳奕慷慨優智畧與秉衡同舉於鄉為昌樂知縣有政聲解官歸值歲大歉人相食傾橐濟之賊氛逼集縣中義士為千城社佐有司保障及悍卒內城城忽陷縊死西城戈樓克念舉進士為平陽推官寬厚簡重政持大体聽斷無冤民至是旋里遂被難顯星舉於鄉為許州學正遷翰林院待詔未赴抗節死金聲明皆進士金聲官邯鄲知縣明官行人萃良翰皆舉人萃官辰州府知府良翰未仕並以城破遇害

錢祚徵字錫吉掖縣人崇禎中以乙榜歷官汝州知州汝為流寇往來孔道土寇又竊據山中祚徵欲先

除之募壯士千人訓練而遣人為好言招撫且約盡開城門以示之懼寇果不疑祚徵以夜半取間道直搗其巢寇方縱酒陸博遂大敗令民千家立一大寨有急鳴鉦輒相救援寇勢衰息其魁魯加勤遂出降

十四年正月李自成驟率眾來寇祚徵擐甲乘城誓眾困守身中流矢恐解眾心督屬益力二月四日大風霾砲炸樓焚城遂陷罵賊而死汝人立廟祀之張克儉字禹型也留人崇禎四年進士授輝縣知縣勤於具職考廉能聲時群盜竄河北以六年二月祀武安守恪曹鳴鶚戰死遂祀輝縣克儉乘城固守賊不能下屯百泉書院三日而去久之入為兵部主事有薦其才者召對補旨十二年十月擢湖廣按察僉事監鄖襄諸軍督師楊嗣昌鎮襄陽命克儉繕城池脩甲仗儲糗糧諸務畢舉嗣昌深倚之明年春張獻忠敗於瑪瑙山其秋羅汝才敗於豐邑坪賊魁小秦王混世王過天星等皆降嗣昌處之房竹山中命克儉安輯諸賊得免死牌莫肯解散自擇便地連營數百里時河南北大饑流民就食襄漢者日數萬降卒因之多闌入克儉深憂之上書嗣昌曰襄陽自古要區本朝范鑄獻陵祔肯尤重近兩河饑民雲集新舊

降丁逼處其間一夫呼即足致亂况秦兵以張武之變西歸耶房軍府粗立降營基置奚啻放虎自衛紫漢西興初無重門之倚何恃而不恐嗣昌不以為意報曰昔高仁厚六日降賊百萬迄擒并能監軍何怯耶及嗣昌入蜀委克儉以留務九月錄破賊功如右恭議監軍如故未幾以本官移守下川南道鄖陽巡撫袁繼威奏留之十四年二月擢右僉都御史巡撫河南未開命獻忠假督府軍符賺襄陽城克儉不能辦賊遂入夜分賊從中起肆殺掠焚襄王府克儉倉皇奔救為賊所執大罵死襄陽推官鄭曰廣攝襄陽縣事李大覺游擊黎民安死焉曰廣番禹人崇禎十年進士居官有節操奉檄校軍儲於荊州甫選任而難作急勒吏卒登城捍禦中刃死妻妾及二子二女俱遇害大覺字覺之金谿人由鄉舉知穀城兼署襄陽縣聞變繫印於肘縊死堂上民安大覺全縣人城中火起率所部千餘人搏戰矢盡被縛抗罵死獨知府王承曾遁免初獻忠敗於瑪瑙山其妻教氏高氏被獲他將搜山又獲其軍師潘獨鰲皆繫襄陽獄承曾年少輕佻悅獻忠二妻色每夕託問賊中情形與之笑語獄吏又多納賄金禁防盡弛獨鰲等得以脫

桎梏忽宴飲為樂嗣昌以獻忠飄忽殺牒戒之詠魯笑曰是詎能飛至耶及是獨鰲果從獄中起承曾率眾奪門走事聞命速治承曾真邑人時河南亦大亂久逮不至未知所終盛以恒潼關衛人崇禎十年由乙榜為商城知縣視事月餘流寇突至禦却之自是拮据戎備力為保障明年張獻忠陷襄陽鄰境震懼時以恒已遷開封府同知將行士民邀之共守乃晝夜乘城與里居縉紳楊所修洪胤衡馬剛中段增輝儼備不懈無何賊眾掩至適雨雪守陴者凍餒不能戰以恒擐甲執弓督家眾射賊十七人墜馬賊怒併力合攻矢中右額以恒猶累瘡拒敵賊俄登北城家眾巷戰死且盡乃破執罵賊不屈為賊支解孫覺及典史呂維顯教諭曹維禎皆遇害時二月二十有八日也稍衛萬曆中舉進士歷官陽和兵備副使分守北門力戰被難剛中字九如父之圖吏部郎中剛中舉崇禎七年進士授大同知縣有政聲行取入都天子臨軒策試授翰林檢討乞假歸城將陷或勸其出避難然曰吾家世受國恩可臨難苟免耶幸而全國之福不然惟與同盡爾及賊入大罵被磔死增輝字含素為諸生以學行

稱朝廷下保舉之令有以增擢薦者增輝不樂為吏擬除教授未謁選遇變亦罵賊死所修自有傳賊既陷商城即疾驅犯信陽有奸人為內應城即陷知州高孝誌訓導李逢旭程所聞鄉紳張映宿死之其陷光山也典史魏光遠亦死之映宿舉進士官靜海知縣罷歸至是及於難事聞所司請贈以恒光祿少卿孝誌太僕少卿未報十五年七月帝下詔曰北州縣有司不設守備賊至即陷原與衝鋒陷陣持久力誅者殊科若藥援天啓間例優予贈廕何由旌勸勞臣自今五品以下止贈監司四品及方面始贈京卿著為令乃贈以恒河南按察司副使者誌布政司右叅議維顯等贈恤有差先是天啓中州縣長吏殉難者率贈京卿廕錦衣世職賜祭葬有司建祠崇禎初改廢國子生俾之出仕贈京卿猶如故至是始改贈外僚云

徐世淳字中明嘉興人侍郎必達子也崇禎中由鄉舉署永嘉教諭擢重慶府推官禁誅求省厨傳惠政及民常監軍討資簡諸寇道路往還民皆安堵十三年遷隨州知州隨破壞之餘民氣蕭索世淳以十月蒞任知寇必復至集士民誓於閭杜繆祠要以為守

縣城薄濠拓羊馬牆具砲石練壯士卹饑寒平糶會歲大荒士多就食粥廠嘆曰可使士以餓故失禮乎分粟賑之士皆感悅潰兵過隨索餉勢甚洶洶世淳授兵登陴而已單騎入其營執帥手曰軍食不供有司罪也殺我足矣請械我以見督師帥氣奪欽衆去明年二月張獻忠陷襄陽三月遂來犯世淳寢食南城雄樓曉夜督衆固守而使使告急於巡撫巡撫宋一鶴遣兵來援監司守承天者勒之自助援絕力窮四月二十五日賊急攻南城潛兵躡北城以入世淳命子肇探埋印解後東墻下而勒馬巷戰矢貫頤耳鼻橫斷遂墜馬為亂刃致死肇探奔赴且哭且罵賊將殺之疾呼州人告以埋印處乃死世淳妾趙氏王氏及賊獲十八人皆死而趙氏死尤烈當事上其狀贈太僕少卿建祠以肇探附隨自十年正月被陷知州王肅殉難及是再陷至七月復陷判官余瑞死焉三陷之後城中幾無子遺閭井為墟

顏日愉字陽華上虞人萬曆中舉於鄉崇禎初除葉縣知縣有惠政而不為上官所喜劾罷之部民詣闕訟寃者數百人乃獲叙用後為靜寧知州敬禮賢士政務便民會擢賊作亂馳請固鎮五道兵合勦為先

率敢死士教人招諭之賊弛備遂遣精卒直搗營賊倉皇失措潰敗斬首數百級黎明五道兵繼至獲大破之遷開封府同知嘗攝澠池滎陽二縣事荒殘之餘撫恤瘡痍政績甚著滎陽為立生祠上官以南陽要衝會舉日愉為知府至則繕甲製器治城濠儲糗糈簡壯士人心稍固十四年正月李自成陷洛陽二月張獻忠陷襄陽南陽震恐日愉防禦益嚴五月七日漏未盡賊果至即令百數十人冒雨登城日愉督將士奮擊士民群助之殺賊上賊幾盡餘賊遂引退城獲全而日愉手中一矢頸項被二刃遂隕於城頭闔城莫不哀悼贈太僕寺卿賊既不得志於南陽遂縱兵掠旁近州縣九月大破傅宗龍軍於項城勢益張以十一月再圍南陽攻陷之唐王被難總兵官猛如虎劉光祚泰議艾毓初死馮毓初字孩如米脂人戶部侍郎希淳曾孫也崇禎四年進士授內鄉知縣毓初生長邊陲知兵習戰六年冬流寇來犯毓初集衆固守埋大砲名滾地龍者於城外而城中引線燃之砲發賊死無算遂解去內鄉與鄰邑浙川多深山邃谷群盜窟穴其中居民慄慄自毓初蒞任一縣恃以少安明年冬唐王聿錫上言凡官司詣親王新封

郡早晚必謁北祖制也今臣封內如毓初及鄧鳳桐栢鎮平諸長吏但謁監司郡守不謁親王蔑棄祖制帝怒逮毓初等下法司而勅禮官重申典制禮部侍郎陳子壯疏救不聽已而王被譴廷臣多知毓初才獲補官累遷至右叅議分守南陽日愉之却賊毓初亦有功至是自成用宋獻策計欲取南陽以圖閩中復率大衆來寇毓初偕如虎光祚等分門堅守賊已攻入南門會總督楊文岳援軍至賊即引退及文岳兵去賊復圍攻之食盡援絕毓初題詩城樓遂自縊南陽知縣姚運熙主簿門迎恩訓導楊氣開亦死之明年十月自成再陷南陽知府丘繼素罵賊不屈闔門被害

潘弘字若稚淮安山陽人由貢生歷定遠訓導海門教諭崇禎十三年遷舞陽知縣時流寇披猖土寇亦乘間竊發弘偕武將討擊屢敗之明年十一月李自成羅汝才既陷南陽遂縱兵覆所屬州縣於是舞陽及鄧州鎮平內鄉泌陽新野皆失守弘知寇至諭士民共拒諸生景長舒等慮賊屠城請弘委曲紓禍弘叱曰吾為守土吏當與土存亡寧能降賊求活耶賊薄城發砲擊之多斃有小校善射發必命中賊將却

而諸生潛遣人約降賊復至弘作告先聖文自誓必死諸生乃開門納賊縛弘以獻賊索印脅降弘怒罵不屈賊射斷其手足解以死子澄瀾痛憤號哭投井死先教日鄧州陷知州劉振世吏目李國璽死之千戶余承庵李錫諸生丁統張五美王鍾王子章海寬傅彥亦死焉鎮平知縣鍾其碩成縣人城陷被繫罵賊死南昌龔新知內鄉四川韓醇知新野並不屈死臨晉姚昌祚代王士昌知泌陽甫數月遽變手執數賊力屈死典史雷暹率捕卒禦賊力戰死先是十年二月土寇合張獻忠犯鄧州知州孫澤盛偕同知薛應齡督兵出戰死之是年五月獻忠破信陽獲左良玉軍旗幟假之以趨泌陽以初六日夜抵城下乘天大雨攀堞而登知縣王士昌懷印端坐賊至被縛謾罵死至是鄧州泌陽凡再陷云士昌雲南寧州人起家鄉舉

案宮皆諸生慷慨好義賊陷鄧州宣兄弟結里黨壯士直入其城擒偽官堅守許家寨賊怒攻破之寨從母常氏先投井死宣與宮皆罵賊被殺宮妻鍾氏家妻陳氏並自經其妹亦罵賊被殺時稱許氏七烈賊之攻偃師也諸生張輒粹父子佐有司城守及賊入城大罵被害賊并害其一子妻蘭氏與三女二孫悉赴井死武同芳者亦偃師諸生賊殺其母同芳噴血大詬支解而死其同邑諸生劉芳名劉芳世蘭捉粹擊賊不勝死喬子昆投水死蘭完贛王光顯喬國屏王邦紀蘭相裔張一驚張一鵬牛一元皆罵賊死芳名完贛妻皆張氏與邦紀妻高氏並從死一驚一鵬之父亦罵賊死諸生許曰琮者唐縣人早喪父及母疫廬墓三載城破遁居南山賊徵之不出符以死終不屈錮其背曰誓不從賊遂嘔血而卒其他州縣諸生遭寇殉義者不可勝志姑志其最著者數人云劉振之字而強慈谿人性剛方教學行以名教自持鄉人莫不嚴重之崇禎三年舉於鄉署東陽教諭力崇師道束修之饋無所入為一時學官稱首用薦遷鄢陵知縣政務利民威愛兼濟時將領驕恣有過鄢陵索餉者振之不應其人怒令部卒縛之去父老呼

號奔救欽贊以犒始釋歸十四年十二月李自虜陷許州殺知州王應翼自許以南無堅城有奸人素通賊倡言城小不可守宜速降振之怒厲聲叱退之集吏民守禦無何賊大至城陷振之走謁先師秉笏端坐堂上賊索印不予縛置雪中三日夜振之罵不絕口賊亂刃交下乃死初振之書一小簡藏之篋中每歲元旦取視輒加紙封其上及是家人發篋乃不貪財不好色不畏死三語也其立志堅定如此贈光祿寺丞有典史杜邦舉者富平人方振之之叱奸人也邦舉即曰公言是城存與存城亡與亡人臣大義豈可偷生以辱祖宗哉乃與振之協力拒守及許州破屠衆心益懼有趙城遁者邦舉捕得立斬之衆為股栗城既陷被執自成欲降之大罵曰朝廷臣子豈為賊用自成怒挾其舌邦舉唾血噴之仍大罵遂與振之並遇害時聞封厲城多陷其全時殉難者有費曹謀魏令望崇薦裡楊一鵬劉孔暉王化行姚文衡諸人曹謀鉛山人少師宏之裔也由鄉舉知通許蒞官覽四句賊猝至曹謀欲守念力弱乃召其父老告之曰我死若輩以城降可免屠戮端笏北面再拜抱印投井死令望字子野武鄉人舉進士授商丘知縣調

太康賊至固守不下賊怒攻破之屠其城令望聞門自焚死薦裡江山人由鄉舉知涓川賊陷其城大罵死一鵬河津人天性孝友崇禎九年舉於鄉為尉氏知縣惠民愛士甫數月政聲四起賊至堅守及力屈城破罵賊死孔暉邵陽人舉天啓九年鄉試為新鄭知縣大寇臨城固守不能支遂死之士民祀之子產祠化行知商水城陷被殺代者姚文衡蒞任數月賊復至搗印赴井死李東雲高陽人舉於鄉崇禎中授浮山知縣廉教有為流賊數萬來寇乘雲一矢斃其魁衆遂遁迨累遷山西按察僉事十四年七月以才調河南大梁道駐禹州時歲潦饑益以寇盜四野蕭然乘雲撫輯盡力其年十二月李自成連陷鄢陵陳留諸縣遂寇禹州乘雲大集士民激以忠義誓死固守賊多斃於砲以十萬騎來益攀堞而登乘雲被執抑使跪叱曰我堂堂監司肯屈膝於賊即怒碎而杖之大罵不絕聲賊縛諸樹攢射之罵不已斷其舌亂刃交下而死贈光祿寺卿州先有教王府嘉靖時王載堦有罪爵絕至是延津等五郡王並被難同時任棟永壽人由貢生為萊州府通判崇禎四年二月李九成耿仲明等陷登

州遂乘勢來攻棟依知府朱萬年拮据守其深著勞績已而萬年與巡撫謝璉出城撫賊為賊所執城中益危棟偕同知寇化被縣知縣洪恩紹助大帥楊御蕃拒守勞績益著至八月圍始解論功進秩賜金累遷保定監軍食事十四年從總督楊文岳南征有鳴臯鎮之捷尋與總兵虎大威破賊於平峪七月再破賊於鄧州明年正月從解開封之圍二月戰於郟城大捷後從援開封會左良王大潰於朱仙鎮賊來追棟與副將姜名武力戰並沒於陣有餘爵者禹州人崇禎元年進士授撫寧知縣果敢有吏才為巡撫楊嗣昌所知以憂去起官章丘入為兵部職方主事罷歸嗣昌出督師奏請以故官叅謀軍事爵至嗣昌甚倚之軍務多與籌畫嗣昌入蜀命與張克儉全守襄陽及城陷爵脫走嗣昌沒從督師丁啓睿於河南鄧州之捷爵與有功十五年開封圍急爵監左良玉軍往援戰敗被執罵賊死乘雲贈光祿卿棟太僕卿爵太僕少卿

閔永傑字人孟鞏昌衛人世官百戶至永傑好讀書每遇忠義事輒書之於壁狀貌奇偉酷類世俗所繪閔壯猷像崇禎四年會試入都與儕輩遊壯猷祠有

道士前請姓氏眾問故曰昨夢神告吾後人當有登第者將來必繼我忠義可語之永傑愕然頗自喜已果得第為開封府推官強直不阿攝府事與利去患無微不至民畏愛之以憂歸起官紹興入為武選主事督師楊嗣昌薦其才請用之軍前乃擢隸陳兵僞食事駐陳州陳故賊衝歲被蹂躪永傑至日為微僞常如賊至及賊漸逼遣其妻陳氏歸妻願俱死永傑曰我死分也妻子為俘可乎我子猶幼汝歸為我養子續先人祀我無憾矣妻乃訣去十五年二月李自成以數十萬眾來攻永傑與知州侯君擢卿薦紳崔泌之等率士民分堞死守賊遣死說降斬其頸懸之城上賊怒攻破之永傑格殺數賊身中數刃大罵而死君擢字際明成安人起家乙榜城圍時身先士卒運木石擊賊濠皆滿後被縛罵不絕口死泌之鹿邑人家陳州舉進士授雒縣知縣調清苑性豪宕不羈在官多所建著崇禎初前知清苑者黃宗昌入為御史常疏劾周延儒延儒囑保定知府史躬盛按其遺事躬盛以屬泌之泌之曰可殺人以媚人乎躬盛怒時泌之已遷戶部主事躬盛謂其侵隱錢穀三萬不聽行會御史行部至泌之突前與躬盛角御史以聞

獄逮戍久之釋還至是遽變用鉄杖斃賊數人自刎死舉人王受爵亦奮勇擊殺數賊大罵死有龔作梅者年十七父母俱亡殯於舍賊入火民居作梅跪柩前焚死久之贈永傑光祿寺卿君擢布政司右叅議必之復故官受爵宛平知縣張維世太康人萬曆四十四年進士歷官平陽知府公正廉潔大得民和絳州有惡黨數十人盡寘之法署內舊蓄荷池注以樊家河水維世曰得毋妨民灌漑耶即止之就遷按察副使分巡其地崇禎九年五月累官右僉都御史代陳新甲巡撫宣府七月大清兵越天壽山入昌平山後地為宣府所轄維世視事甫旬日竟坐失防削籍遣戍己而釋還十五年二月李自成既陷睢州遂犯太康維世佐知縣魏令望竭力拒守賊勢盛城遂陷抗節而死時中州地失亡最多其縉紳死難者亦多有十三年登封土寇李際遇因戚繼倡亂旬日間聚眾數萬肆行劫掠前鳳陽府通判姚若時致仕居曹莊村賊來犯被執誘之降大罵而死族諸生不顯亦死之若時子諸生城思報父仇教諸兵討賊賊執之於路亦抗罵被殺陝州趙良棟仕為蓬萊教諭罷歸寓居浥池寇陷浥城父

子孫身罵賊死其媳若孫亦赴井以殉陝州之陷前平定知州梁可棟居憂在籍亦大罵而死全里蕭大成以淮安府同知家居投井死龜陽水前臨汾知縣張節抗賊死其陷西平也前懷仁知縣楊士英死之子婦王氏從死息縣陷賊召前項城教諭王多福欲官之堅拒不赴賊逼之投繯而死洛陽阮泰仕為廣靈知縣解職歸十七年聞北都之變不食死妻朱氏從之楊汝經睢州人崇禎十年進士授戶部主事著廉能聲擢井陘兵備僉事十七年正月朝中聞甘肅間巡撫林瑞日殉難起拜汝經右僉都御史代之行次林縣聞都城亦陷將赴南京至東明率壯士百餘騎還討林縣偽官抵屯子遇賊戰收執至林縣偽官釋其縛說之降不從又遣一縉紳來說汝經正色責之其人慚喉偽官斃之獄王世琇字崑良保定人崇禎十年進士授歸德府推官遷工部主事十五年二月李自成既陷陳州遂乘勝犯歸德歸德素不置兵世琇時已辦裝將行僚屬邀與共守慨然曰人臣義不辭難久官其地臨難而去是非誼也遂與同知顏則孔經歷徐一源商丘知縣梁以樟教諭真世英里居尚書周士模等誓眾堅

守賊攻圍五日總督侯恂家商立其子舉入方要率家衆斬闖出奔殺傷守者數十人衆遂亂賊乘之以入世璠則孔革遇害則孔女聞之即自縊一源分守北城殺賊最多城陷督衆巷戰罵賊死以樟中賊刃戈而獲妻張氏及子女僕從皆死世英見賊入持刀罵賊死於明倫堂妻石氏亦自刎一時全死者工部郎中沈試主事朱國慶文華殿中書侯忻廣西知府沈得威縣知縣張儒及舉人徐作霖吳伯季周古美等六人官生沈必侯峻等三人貢生侯恒沈誠周士貴等八人國學生侯傑沈調等四人諸生吳伯裔張渭劉伯愚等一百十餘人作霖伯裔伯裔渭伯愚皆郡中名士尤有聲則孔沂州人一派海鹽人世英祥符人士撲自有傳賊既陷歸德尋陷鹿邑知縣紀懋勛死之又陷虞城署縣事主簿孔亮亦死焉許永禧曲沃人崇禎十三年由舉人為上蔡知縣多惠政性耿介不以嘖笑假人十五年春李自成將果犯先遣數騎抵城下脅降永禧即督吏民憑城拒守賊大呼曰今日不迎降明日即屠爾城衆懼以告永禧嘆曰賊勢被猖移九邑豈能自保吾惟一死盡職而迎衆皆泣明日賊果大至守者禦潰永禧具袍笏

北面再拜據案秉燭端坐頃之賊入遂自刎全時高斗垣繁時人崇禎十二年由恩貢生除西平知縣為人孤鯁以清慎得民十五年二月流寇陷城被執不屈死劉蕡貴州人由貢生崇禎十三年為遂平知縣十五年賊來攻城英誓衆死守已而城陷罵賊死有宦家者膠州人由任子為汝寧府通判上蔡既陷往署其縣事城中民舍盡燬衆廣招流亡衆觀望不敢大會左良玉駐城南其兵濫掠無虛日衆始入城依蒙村民遭難來懇蒙即入良玉營責以大義奪還之民獲完家室者甚多悍卒或弓刀相向蒙即袒腹當之卒亦不敢害是年冬汝寧陷賊黨賀一龍掠地上蔡訛傳土寇剽劫蒙出禦之陷陣死士民莫不哀悼李貞佐字無欲安邑人早有志操受業同里曹于汴之門以學行著天啓七年舉於鄉崇禎中除郟縣知縣初土寇楊同錦聚衆作亂謀攻城有奸人為內應賊即入大肆焚掠而據城乞撫總兵官王紀禹副將劉國能平節來討同錦中失幾幾會監司魏公韓檄汝州吏目顧王家受賊降二將之兵遂罷未幾公韓去巡撫李仙風令開封趙同知察狀同知納其厚賕力言賊忠款可用牒授都司守備者至三十餘人排

衣黃蓋縱橫道途而劫掠如故知縣邵子灼不能禁里居通判李之綸密陳其狀仙風以詰同知周知耀即令賊掩殺之綸十四年三月李自成來寇同錦郊迎言顧守郊當一面俟取開封即納土自成怒殺之并殺可灼而去貞佐以是年四月蒞任同錦餘黨猶聚焦家寨貞佐簡練鄉兵括賊財以充餉雖軍事旁午時出近郊勞耕者以酒食月必課士語之曰四民復業乃太平之象士為四民首講誦不輟為衆人倡不亦可乎邑有姊妹二人抗賊死為拜其塚祀以少牢鄉民王錫引有孝行造其廬而禮之郊教被寇民奮然不樂生貞佐以太平之治治之士民胥悅明年二月自成復來寇貞佐集衆死守顧王家者仁和人既撫賊秩滿當遷汝人以其才言於上官留之至是亦在城中助貞佐守禦甚力賊勢盛城竟陷貞佐走拜其母曰兒不忠不孝陷母至此罪通於天有勸微服遁者曰偷生苟活安施顏面賊執之去大罵見賊殺人厲聲曰驅百姓困守者我也安殺何為賊割其舌支解而死母喬氏亦死友人王昱相隨不去賊義之昱收葬於郊南郊每歲寒食鄉人傾邑祭奠廣其塚至二畝餘贈河南按察僉事王家亦大葬祀賊賊

亂刃砍死賊盡戮鄉人主家子國誘賊至掘墓間發藏食用巨石力擊賊碎其體而死汝州所轄凡四縣寶豐魯山二特並陷其令張人龍楊呈芳亦以節著人龍遷化人賊陷寶豐不屈死妻年少家奴四人欲亂之妻飲以酒俾極歡而潛遣婢告丞尉勒兵捕殺之乃扶視旋里呈芳山海衛人知魯山撫字有恩練總唐思鸞潛結黨衆與進士宗麟祥諸生袁熊瑞等謀不軌呈芳捕斬之至是城陷死焉有孔貞璞者曲阜人知伊陽縣賊薄城以守禦堅解圍去他日有事汝陽道遇賊被執亦不屈死

周小厝陳心學皆如縣人心學銓授知縣不謁選而歸卜厝舉崇禎三年鄉試知內黃以父喪旋里十五年李自成陷如縣執心學欲官之不從被殺更問卜厝如何曰吾以母老在此若欲仕何故里居自成曰汝不願仕何以官內黃曰爾時父在母未老也今母老多疾安得舍之而官自成曰既不願仕為我執縣官果可代汝死曰賊人以利己仁者不為也自成怒遂殺之有李得筍者寶豐舉人城陷得筍短衣雜衆中為賊小校所執徙跪縛賊時以牛金星為謀主金星常舉於鄉勸賊重用舉人故賊所至即搜求舉人